



Universitätsbibliothek Paderborn

Venerabilis Patris Thomæ à Jesu ... Opera Omnia

Homini Religioso Et Apostolico Tam Qvo Ad Vitæ Activæ, Qvam
Contemplativæ functiones utilissima, Duobus Tomis Comprehensa. In
Qvibvs Singvlari Pietate, Varia Ervditione Clariori Et Breviori Stylo
Continentvr Et Explicantvr ...

Tomás <de Jesus>

Coloniæ Agrippinæ, 1684

Præfatio.

urn:nbn:de:hbz:466:1-38601

neab eis perpetrata deprehendi, aut investigari queant fecerit, quique dictos Apostolos aut Hæreticos scienter occultaverit, defenderit, aut eis opem, consilium, auxilium, vel favorem quomodo ibet præstiterit.

Si liberos hæreticos, vel Thalmudicos, aut alios Judaicos quomodolibet damnatos, aut alijs prohibitos tenuerit, custodierit, vel divulgaverit, vel in quæcunque loca tulerit, aut ad eam rem operam sicut accommodaverit.

Si Christianos deriserit, redemptionisque hostiam salutarem in aera crucis immolatam Christum Dominum ludibrio & despiciens habens: quandocunque, maximè vero in sacro Parasceves die agnum sive ovem, aut quid aliud cruci affixerit, aut appenderit, in eamque conspuerit, sive quid aliud contra ipsam fecerit.

Si nutrices Christianas, contra factorum Ca-

nonum statuta, diversorumque Rom. Pontificum Praedecessorum nostrorum sanctiones, adhuc retinuerit, aut eas retinens die qua Sanctissimum Eucharistie Sacramentum sumplerit, lac uno, vel pluribus diebus in latrinas, cloacas, vel alia loca effundere coegerit.

Et subiungitur: In quibus casibus universis & singulis omnes inquisitores, omnium regorum, civitatum, provinciarum, dominiorum, & locorum universi orbis Christiani contra Iudeos & infideles quoque diligenter inquirant, & procedant: & quos culpabiles deprehenderint, in eos pro culpæ modo, & pro criminum numero, multiplicatione, aut confusione delinquendi, flagella, remigia, etiam perpetua, rerum quoque publications, exilia & alia atrociora decernant.

Hactenus Constitutio.

LIBER DECIMUS, DE CONVERSIONE SARACE- NORUM PROCURANDA.

P RÆ F A T I O .



GARENI, quos vulgo Saracenos appellamus, adeo, & numero, & vita turpidine creverunt, ut & divinis & politicis rationibus Christianorum Principum, & Victorum Apostolicorum animos, ad eorum conversionem strenue procurandam, permovere debeant.

Primo, quia instare videntur tempora, imò & præ foribus esse, quæ per varia multorum Patrum vaticinia, & astrologorum Prognostica de Saracenorum secta, ac præcipue Turcarum imperio cito finiendo prædicta sunt; ac in primis Sanctus Methodius Martyr à D. Hieronymo laudatus, loquens de fine seculi, ait; *Metho-*
Surget autem Christianorum gens, & prælabitur cum eis, (scilicet Saracenis) & occidet diu-
eos gladio, & captivas ducet mulieres eorum, & interficiet infantes eorum, & descendenter filij Imaelis ingladium, & tribulationem, & afflictionem, & reddet illis Dominus mala, quæ
ipsi fecerant, & irruerit super eos militia, septies tantum, quantum in aliis gesserunt, & occi-
det illos Dominus in manu Christianorum, & erit Regnum Christianorum exaltatum super
omnia Regna, celeberrima sunt etiam aliae de ruina hujus sectæ, hæc ætate futura
prædictiones; id enim jam multis retrò faculis prænunciaverunt noster sanctus Cy-
rillus Doctor Græcus, ac Prophetæ dono illustris, Joachimus Abbas, ac plures alii,
de quibus Melchior Sotherus lib. 1. de bello Pannonicico ita scripsit: Taceo interim ac lu-
bens prætero, Methodij, Cyrilli, Brigitæ, Ioachimi, Alsanredi & Torquati, atque aliorum
Melchior
Sotherus.
multa, non è Druidum querubus, aut cortina Cynthia elicitæ responsa, sed p̄s mentibus, Spi-
ritus instinctu, calitus enunciata oracula, quæ omnia tanquam ore uno prolata, Principibus
Christianis deberi orbi Imperium profertur. Imo prophetæ hujus apud Æthiopes
meminerunt Franciscus Alvarez, Lusitanus, & Thevetus, ambo ævi nostri Histori-
cici: apud quos, confitans est, ab antiquis Patribus traditio, Turcam totam, & loca
santa sub jugo Principis alicujus Septentrionalis ventura, Vnde noster Joan. Bap-
tista Mantuanus, illustris Poeta, ita scripsit:

præfigia vatum

Attestantur, opes Asia, Babylonica regna

Ad Christi reditura jugum.

Pleni sunt equidem sacri libri nostræ gentis, plena Turcarum ac Saracenorum volumina, plena vulgi ora, prædictionibus, minis, signis, fama ruinæ vastissimæ Imperij, acturpiissimæ sectæ. Scimus Turcas sèpè de his cogitare, legere, loqui, timere, ac conari contra divinum consilium ad suæ amplificationem sectæ, nostræ verò ruinam: nos vero quod dolendum maximè est, nihil de his cogitamus, neque Principes Christiani sequuntur ducentem ad bella Deum, & velut vocantem ad arma tam justa, tam sancta, neque Ecclesiastici Ministriique Evangelij viam præparant, ut facilius res ipsa peragatur.

Secundo. Est deinde Saracenorum ad fidem conversio non valde difficultis, coiunt enim unum Deum turpi vitæ genere: qua in re duo plane contraria conciliare nituntur. Cultus quippe unius Dei, si ex genere specetetur honestissimus est, & rationes plane efficaces producunt ad vitæ turpitudinem redargendam. Ex quo efficitur, Evangelij Ministros eo, quod honestum est, allecotos, & armatos facile posse multos à Mahometica secta deducere; multos, inquam, ex ijs, qui inter gentem illam incultam ingenio pollent: quod certè lucrum pretiosissimum foret.

Tertio. Qui valentingenio apud Mahometanos philosophicis saltem rationibus adducti, per se ipsos, vitæ turpitudinem deprehendunt, facileque perspiciunt suam sectam impuram esse, neque cum purissimæ naturæ divinæ cultu posse subsistere: aut certè, si non usque adeo perspicue id cognoscunt, suspeçtam tamen Religionem suam habent; quod viam facit viris Apostolicis, ad illorum conversionem fidentius tentandam, & urgandam.

Quarto. Mahometani non usque adeò protervè Christi veritatem audiunt ac Sectarij alij, cum à Mahometo ipso de Christi excellentia testimonium illustre perhibitum sit: præterquam quod cum ipsi existiment, unumquemque in Religione quam proficitur, salvum fieri posse, per hoc ipsum (quamvis enormiter errant) aptiores sunt ad prædicationem Christi leniter sine repugnancia audiendam. Ex quo Christianorum animi inflammari deberent, ad veritatem divinam eis nuntiandam, quæ semel excepta per aurem (sperandum est) animos impios expireret.

Quinto. Accedit Alcorani deformitas, quæ profectò tanta est, ut ad examen revocata, & cum lege Christi comparata, Mahometanos vehementer commovere possit. Neque obstat eorum feritas, qui non disputationibus, ac rationum pondere, sed ferro sectam suam tueri docent: Nam certò constat, eorum plurimos externas leges patienter audire, quin etiam curiosè scrutari: per quod janua panditur Evangelio.

Sexto. Multis constat argumentis, plures Mahometanos Principes, ipsumque in primis Periarum Regem signa benevolentia minimè obscura Christianis Principibus ostendisse. Ex quo certè liquet, patere viam, qua viri Apostolici se in animos illorum insinuare, & velut ex obliquo spargere fidei femina valeant.

Septimo. Ipsi Mahometani Christianorum legnitiem redarguunt, qui erroris sui zelo ad gentiles convertendos, hoc est, in suam sectam perducendos, missiones instituunt; ut ex Orientalis Indiae liquet historijs. Quomodo ergo ferunt Ecclesiæ Principes, ut diligentiores sint iij ad mendacia promulganda, quam JESV Christi Ministri ad veritatem divinam persuadendam? Profecto Mahometi ministri à Christianis Ministris converti deberent, & anteverti.

Octavo. Mahometani, ut nimis vulgatum est, adeo excrescunt numero, & vires acquirunt; ut ruinam Christianorum Principum regnis minentur. Nam, ut numerosissimam sobolem in Asia, Africaque vagantem præteream, compertum est Catholicum Hispaniæ Regnum, in summo discrimine vitæ, fideique versari, ob reliquias Arabum, qui olim Provinciam illam occuparunt. Et mirum est sane, quomodo ætate hac conjuratione facta, non rebellaverint, & fidei Catholicæ, una cum Christianis hominibus non extinxerint. Serpit verò grande malum hoc, augeturque numerus, & robur: timendumque est Europæ toti, si illi Mahometi cultores Principatum obtineant. Quocirca enervanda esset eorum vis, non tantum gladio, sed & Dei verbo, ut periculo propulsato, fides Catholicæ fortius invaleceret;

ret: præsertim cum hodie Mahometi cultores summa injuria obtinent ac sedant terram sanctam, quæ ad Ecclesiæ regnum summo jure pertinent. Quia de causa noctissimis patet historijs, piissimos Principes de regione illa recuperanda, serio cogitasse, maximisque laboribus & sumptibus in eum scopum justis exercitibus mare trajectisse. Neque sanè à tam glorioso conatu defistendum esset, quoad terra Christi, sanguine perfusa, ad Christi regnum, ac tot Christianorum millia, tam diu Turcico dominatu vexata, in pristinam libertatem redirent. Jam vero si arma ferrea & græ moventur, æquum omnino est, arma spiritualia idoneorum Ministrorum impigrè moveri.

Octo hæ rationes à Principibus Ecclesiæ expendi deberent: ut ex Ministris, qui fortassis in urbibus Christianis ignavia torpent, aliquos desiderio divinæ gloriarum excitatos, ad conversionem Agarenorum destinarent.

De præcipuis erroribus Mahometricæ doctrinæ.

CVM Mahometus edocetus fuerit ab Arianis, Nestorianis, Judæis, & Pagans, ex istis fontibus varios fœdos, perniciososque haulit errores. I. Cum Sabellio negat Trinitatem. II. Cum Ario, & Eunomio Christum creaturam esse contendit, eumque Deum dicere ridiculum purat. III. Cum Carpocrate asseverat Christum Non Deum quidem esse, sed Sanctum Prophetam. IV. Cum Cerdone assertore impossibile, ut Deus filium habeat, quod nimirum oxore careat, citra quam filium gignere non poterat. V. Cum Manichæis, Christum negat mortuum, vel crucifixum fuisse, sed alium sibi similem. VI. Cum Donatistis negat cuncta Ecclesiæ mysteria, quæ à Christi passione suam vim & efficaciam obtinent. VII. cum Origenistis dicit Dæmones esse sub mundi fine m̄ salvandos. VIII. Cum Anthropomorphitis, qui Deum corporalem assertorū, communicat. IX. Cum Cerintho extremam felicitatem, vel summum bonum statuit in corporeis voluptatibus. X. Cum Ebionitis circumcisionem admittit. XI. negat Christum judicaturum in die Judicij. XII. assertit quod Judæi corruperint legem & Prophetas, & Christiani etiam, ita quod nihil remanserit de veritate legis, & Prophetarum, & Evangelij, nisi quantum in Alcorano continetur. XIII. Quod Deus sit causa omnium peccatorum. XIV. Quod omnia ista mundana fortuita sint. XV. Improperat Christianis adorationem Imaginum. XVI. Imponit Christianis quod suos Sacerdotes adorent. XVII. Quod quilibet rectè vivens in sua fœcta salvare possit. XVIII. Sui oblitus, quod nullus salvabitur, nisi in fœcta Saracenorum. XIX. Quod Angeli sint corporales, de flamma ignis facti, seu geniti. XX. Quod Angeli sint occidenti: & tandem in die Judicij resurgere habent cum alijs. XXI. Quod Angeli beati peccent. XXII. Quod Deus præcepérunt Angelis, ut adorarent primum hominem. XXIII. Quod Angeli ignorabant naturas, sive vocabula rerum, quæ Adam rebus imposuit. XXIV. Quod anima Adæ sit de portione animæ Dei. XXV. Quod omnes homines ex una anima sint producti. XXVI. dicit cælum productum ex fumo, qui surgit ex vapore maris. XXVII. Quod sol, & Luna fuerint facti & qualis luminis & virtutis, sed ala Gabrielis Lunam tangens obscuravit illam. XXVIII. Quod licitum sit habere plures uxores. XXIX. Quod licitum sit repudiare uxorem. XXX. Concedit tanquam licitum adulterium, & fornicationem. XXXI. Concedit tanquam licitum, peccatum contra naturam. XXXII. Ait, quod post resurrectionem erit usus ciborum, & venereorum. XXXIII. Cum Titianis prohibet vini usum. XXXIV. Quod omnia creata invocant, & adorant Deum. XXXV. Quod B. Virgo suscepta salutatione Angelica, & concepro filio fugit in longinquum locum, ubi erant palmæ, & ibi peperit. XXXVI. Quod B. Virgo cum portaret in brachijs filium, increpabatur à vicinis de peccato adulterij. XXXVII. Quod Prophetæ & Apostoli fuerunt Saraceni. XXXVIII. Imponit Deo multa falsa & mendacia. Sunt alia permulta ejus instituta, non solum non honesta, nec rationi consona, sed maximè obscena, absurdæ, & ridicula, & pecudum potius quam hominum, ut quicunque dixerit, legem Mahometanorum esse legem porcorum, mihi quidem scitè admodum, non solum vere dixisse videatur.

Authores, qui scriperunt contra Alcoranum.

Istius porro secta Mahometis falsitatem, & absurditatem multi Christiani authores scriptis demonstrarunt atque confutarunt: Dionysius Carthusianus tres contra Saracenos libros scripsit. Richardus ordinis Prædicatorum edidit librum, qui inscribitur, *Confutatio legis Mahometica*: Pius Papa hujus nominis Secundus Epistolam eadē re scripsit, ad Mahometem Turcarum imperatorem: Bartholomaeus etiam Vngarus, & Joannes de Turrecremata, & Gulielmus Postellus in libris, quos edidit de origine Tartarorum, Persarum, Arabum, & Turcarum. Præterea Gabriei Bariletanus, ordinis Prædicatorum scripsit, Mahometum in sua lege permittere, quod alius & potius magis convenit, quam humana ratione utentibus: quod etiam vir inter Mahometanos medicinæ scientia clarissimus Avicenna nono sua Meraphysicæ libro confiteri non erubuit: Paulus Burgensis in quadam sua *Adnotatione ad Postillas Lirani super cap. 13.* Apocalyp. bene longam, satisque curiosam, & eruditam de secta Mahometis disputationem fecit, ubi citat, & laudat eximium quemdam Tractatum, de lege & doctrina Mahometis, qui incipit, *Quot sunt dies servi tui Psalm. 118. à F. Nicolao Prædicatoris ordinis compositum.* Is perdiu fuerat in regionibus Orientis, multumque veritus est cum Doctoribus istius sectæ, quin etiam, ut eam subtilius & altius scrutari & nosse posset, & linguam & litteras didicit Arabicas. Et ut omnia illus doctrinæ arcana & secreta penetrareret, frequenter cum nobilioribus ejus Magistris, ea de quibus ipse vel dubitabat, vel penitus cognoscere negabat, communicavit. Vnde non modo perspectam habuit doctrinam Alcorani, verum etiam quemadmodum principes ejus interpres & doctores intelligenter atque interpretarentur. Fuit autem liber hic, simul cum alio Joannis Cardinalis Turrecrem. Romæ typis mandatus, anno 1606, hic apud Typographiam Guil. elmi Faciotti, ille vero apud Aloisium Znactum, Scripti etiam B. Joannes Damascenus in libello, qui inscribitur, *Disceptatio Christiana & Saraceni, S. Thom. opus. 3. contra Gracos, Armenos & Saracenos.* Cardinalis Nicolaus de Cusa, in tribus libris inscriptis, *Cribratio Alcorani.* Hieron. Savanarola in opulculo de *Triumpho Crucis lib. 4. c. 7.* Similares in *Institutionibus Catholicis cap. 39.* S. Antoninus in 2. parte *Chroniconum* tit. 13. cap. 5. de Mahomete Agarenorum legislatore fœdissimo, ubi plurima de secta Mahometana, & de ejus auctore scribit. Michael Thomasius in libello inscripto, *Brevis Christiana & Catholicæ fidei defensio, & Iudeorum, Mahometanorum atque Hæreticorum oppugnatio.* Gulielmus Taranus in *Forrallito fidei*, & alii quamplures, quorum meminit Cardinalis de S. Severina, in suo Rituali, in *Tractatu de Infidelium conversione procuranda*.

Ordo servandus in Alcorani confutatione.

Quia immensum esset contra singulos hujus sectæ errores differere, & forte minus utile, ostendenda erit in primis à nobis solita brevitate, legis Alcorani iniqitas, & falsitas, sumptis argumentis ab ijs, quæ illa traduntur, permittuntur, docentur, ac scribuntur: quæ ferè omnia detestabilia, turpia & vana sunt, omnia equitati ac rectæ rationi adversantia: & ut nunc alia prætermittam (quæ milles libri invicem r. pugnant, & in quibus summa est utilitia, variæque nugæ), pauca ex illis à nobis erunt attingenda, tribus partibus hanc totam disputationem comprehendendo. In prima reducemos Alcorani iniquitatem, & malitiam ad causam efficiētem, ipsum scilicet auctorem; ostendendo non à DEO, sed ab homine turpissimo, & facinoroso legem Alcorani fuisse latam. Secundo ad finalem, ubi de fine tam ipsius legis, quam Authoris dicemus; ut clarius constet, illud celebre ac vulgare Philosophicum: Qualis unus quisque est, talem libi finem præscribere. Tertio ad materialem, hoc est, ad ipsas res quas continet, docet, ac præcipit Alcoranus. Ac denique ad formalem, hoc est ad modum & formam, qua Alcoranus scriptus ac compitus est. In secunda vero parte ex opposito legis Evangelicæ præstantiam supra Alcoranum demonstrabimus, ex iudicem quatuorcastrum capitibus, simulque aliquibus objectionibus satisfaciemus, in terra tandem de modo adjuvādi Saracenos, & ratione agendi cum illis, ac de his, quæ prohibita sunt agentibus inter illos, Deo dante, differemus.

P.R.I.